

Newspaper	UTUSAN MALAYSIA
Date	8 APRIL 2015

## Kritikan keterlaluan boleh jejas perpaduan

um - 8/4/2015

**KUALA LUMPUR 7 April** -  
Kritikan keterlaluan bekas  
Perdana Menteri, Tun  
Dr. Mahathir Mohamad  
terhadap Perdana Menteri,  
Datuk Seri  
Najib Tun  
Razak  
dikhuatiri  
akan  
menjejaskan  
perpaduan  
masyarakat  
khususnya  
orang  
Melayu.

Ketua  
UMNO  
Bahagian  
Sungai  
Besar, Datuk

Jamal Md. Yunos berkata,  
Dr. Mahathir sepatutnya  
meletakkan perpaduan  
sebagai keutamaan kerana  
kritikan-kritikan yang  
dibuat secara terbuka akan  
hanya memburukkan lagi  
keadaan.

“Saya risau kritikan-  
kritikan Tun Dr. Mahathir  
akan menyebabkan orang  
Melayu berpecah-belah  
dan tidak mustahil juga  
sekiranya berterusan,  
UMNO dan Barisan Nasional  
(BN) menerima kesannya  
pada pilihan raya umum  
akan datang.

“Saya menghormati Tun  
Dr. Mahathir kerana jasa  
dan pembangunan yang  
dilaksanakannya namun  
kritikan-kritikan bersifat  
peribadi terhadap Najib  
perlu dihentikan,” katanya  
ketika dihubungi di sini hari  
ini.

Jelas beliau, Dr. Mahathir  
yang telah mentadbir negara  
selama 22 tahun sepatutnya  
lebih memahami bahawa  
Najib memerlukan tempoh  
masa secukupnya untuk  
melakukan perubahan bagi  
memajukan negara.



**JAMAL MD.  
YUNOS**